

حقوقی بیکییلر مجموعه سی

هر آيك اون بيشنده نشر اولنور

استانبول وبلاد ثلاثه موجود كدكلرك الغاسنه دائر ۱۶ شباط ۳۲۸ تاريخى و ۵ شباط ۳۲۸ تاريخى تحديد و تحرير قانونلى تماماً اليوم مرعيدر .
۱۶ شباط ۳۲۸ تاريخى اشخاص حكميه و ۲۱ شباط ۳۲۸ تاريخى انتقالات و ۲۵ شباط ۳۲۸ تاريخى اموال غير منقوله نك دين مقابلنده تأمينات اراءه سنه دائر اولان قانونلر قانون مدنى ايله تماماً ملغادر .

۳ مارت ۳۲۹ تاريخى اموال غير منقوله نك تصرفه عائد قانونك برنجى و آلتنجى مادهلرى مرعيدر . ۲ الى ۵ و ۶ الى ۱۵ و ۱۸ و ۱۹ نجى مادهلرى تماماً قانون مدنى ايله ملغادر . اون آلتنجى مادهسى ۲۸ نيسان ۳۳۰ تاريخى اجرا قانونك طقسا نجى ماده سيله معدلدر . اون يدنجى مادهسى ۱۲ ميس ۹۲۶ تاريخى و ۸۳۶ نومرولو قانون ايله ملغادر .
سابق طابو مدير عمومى

ج . صلاح الدين

پانه اعتذار :

اون اوچ نومرولى نسخده مطبعه جه سهواً ترتيب و طبع ايدلامش اولان اراضى قانونك يكرمى ايكنجى مادهسى قانون مدينك ۶۵۵ نجى ماده سيله ملغادر . يكرمى سكرنجى مادهسى تصرف قانونك بشنجى مادهسى و اعشارك الغاسى حقنده كى قانون و قانون مدينك غير منقول ملكيتك حكمليله ملغادر . ۲۹ الى ۳۲ نجى مادهلر تصرف قانونك بشنجى ماده سيله الفا اولمشدى .
ح . ص .

حقوق جزا معالى آدوات

باهر

حقوق جزا

اسباب برأتدن « ضرورت حالى » و شروط قانونيه خارجنده ضرورى اولمق

اوزره ياپيلان صوچلر حقنده كى معذرت محققه

(جزا قانونك ۴۹ نجى ماده سنك اوچنجى بندى و ۵۰ نجى مادهسى)

اسكى قانون جزا مزجه نظر اعتباره آلمان بوضه ورت حالى بوكونكى جزا قانونجه تثبيت ايدلمش و بوضه حقوق جزانك الك مهم بر مبحثى تقنين اولمشدر .

ضرورت حالی، تا روم حقوقدن بری غریبه نظر دقتدن دور طوتولامش وقرون وسطاده زهرمن قانونلری احکام سابقه مدنی مزجه « ضرورتلر ممنوع اولان شیلری مباح قیلار، شکنده اولق اوزره تثیت ایدیلن قاعدهیه مشابه بر قاعدهدن استخراجاً بعض حادثاته ضرورت حالی تشمیل ایشدر. آنجق اختلال کیری متعاقب فرانسهده نشر و اعلان اولونان ۱۷۹۱ قانون جزاسیله الیوم جاری اولان ۱۸۱۰ قانون جزاسنده بوکا دائر حرف واحد ذکر ایدلامش و آوستریا واسوهچ قانون جزالری دخی بوبابده ساکت بولونمشلر ایسهده دیگر بعض قوانین جزاییه (اسپانیول ودانیمارقه جزا قانونلری) ضرورت حالی آنجق آخرک ملکنه قارشو یاپیلان ضرره و دیگر بعضیسی (آلمان و مجار جزا قانونلری) ضرورت حالی مضطر موقعده قالان کیمسه نك آنجق حیاتی و دیگر بعضیسی ده (روس ونورهچ قانونلری) ملکنی تخلیص ایچون یاپیلان صوچلره حصر ایشلدر.

جزا قانونمژک مأخذی اولان ایتالیان قانون جزاسی، اک صوک تلقیات جزاییهیه مستند اولان شو ضرورت حالی ۴۹ نجی ماده سنك اوچنجی نومروسنده - بزه اولدینی کبی - قبول ایش و ضرورت حالنده بولونان بر کیمسه نك - آنجق بعض قیود و شروط تحتنده اولق اوزره - کرک کندی و کرک آخرک نفسنه و حیاته قارشو تحداث ایدن برتهلکه قارشوسنده یاپدینی صوچلردن دولایی جزاء معاقب اولیه جغنی تثیت ایشدر. قانونمژ دخی بونقطه نظری قبول ایله « ضرورت » ک - مضطر موقعده قالانک کرک کندیسنک و کرک بر شخص ثالثک نفسنه یعنی حیاته قارشو بولنق و بعض شروطی جامع اولق اوزره بر صوچ یامیسی حالنده - جزایی رفع ایده جکنی تقنین ایشدر.

ضرورت حالنده ایشله ن صوچلرک فاعلرینه جزا ویرلمک وجدان عامهده تمرکز ایدن بر کیفیت ایسهده فاعلک جزاء معاقب اولماسی خصوصنده اخلاقاً بحیلرله جزا جیلر آره سنده اختلاف حادث اولش و بوبابده مختلف نظریه لر سرد ایدلشدر :

برنجی نظریه - « غروچیوس، پوفه ندورف و فیخته » نک تمثیل ایلدکلری عتیق حقوق طبعیه مملکی، « بوبابده ایقاع ایدیلن فعل ممنوع ساحه حقوق خارجنده قاله جفندن و واضع قانون مؤیدات جزاییه تثیت ایلدکده حقوق طبعیه دن آیریلماق مجبوریتنده بولندیقندن ضرورت حالنده یاپیلان صوچلرک استلزام ایتدیکی جزاده حقوق طبعیه حکمفرما اولور، دیشدر.

ایکجی نظریه — « قانت » نام فیلسوفدن ملهم اولان « فویه رباح [۱] » ایله سائر مؤلفینک نظریه سی — که ضرورت حالی غیر قابل مقاومت بر جبردر [۲] — اولوب قوانین موضوعه ده و حقوق شناسان بینده مظهر قبول اولمشدر . بونظریه یه کوره حاکم، بویه بر حالک وجودینه مطلع اولدقده جزائی بعضاً تخفیف و بعضاً کاملاً اسقاط ایدر، ایشته جزا قانونمیزک قبول ایتدیکی نظریه، بونظریه در [۳].

بناءً علیه دنیله بیلیر که ۴۹ نجی ماده قانونیه نک ۳ نومرولو بندنده موضوع بحث اولان ضرورت حالنده بر صوچ ایقاع ایتک اوجالده بولونان کیسه ایچون برحقدر . شوقادار که ضرورت حالی ایله کذلک برحقک اجر اسندن عبارت اولان « مدافعه مشروع » [۴] « آرسنده شو فرقلری تثبیت ایتک لازمدر :

۱ — مدافعه مشروعده متجاوز ایله متجاوز علیه آرسنده بر رابطه فردیه مفروضدر؛ فقط ضرورت حالنده بولونان کیسه ایله ضرورت حالی آرسنده بر رابطه موجوددر . یعنی مدافعه مشروعده ایکی کیسه آرسنده موجود اولان رابطه، ضرورت حالنده بر کیسه ایله بر حال آرسنده بولونمقدهدر . شو تفصیلاته نظراً مدافعه مشروعده همه حال بر تجاوز، بر تعرض موضوع بحث اولدینی حالده طبیعی رقضا یا خود فوق العاده بر حالدن دولایی کندیسنک و باشقه سنک حقوقک دوجار تهلکه اولمسی و بوتهلکه دن تحفظ امکانک بولونماسی لازمدر . ایشته بوصورتله « ضرورت حالی » نک نه دیمک اولدینی تعریف ایدلش اولدی . در حال شونی علاوه ایدلم که بوتعریف، اوپزه کتشف نقطه نظر دن بر تعریفدر .

جزا قانونک « ضرورت » کله سندن آکلادینی معنی، مطلق اولیوب بلکه مقیددر . بناءً علیه دنیله بیلیر که ضرورت یا تدافعی (بر حیوانه و اهلیت قانونیه یی حائز اولمایان بر کیسه یه قارشو تدافعی بر وضعیتده بولونمق بوقیلدندر) یا خود تجاوزی (ضرورت

[۱] باویه را قانون جزاسنک واضعیدر .

[۲] اسکی قانون جزامیزک « جبر واکراه » بختنه مراجعت .

[۳] ایشالیا قانون جزاسنی تدوین ایدن کیسه لک دیگر قوانین موضوعه جزاییه دن یک چوق احکام استنباط ایتدکاری غیر منکردر . ایشته ضرورت حالنه متدائر اولان بو حکم دخی ایتدالیا لایطر فندن آلمانلردن اخذ و اقتباس ایدلش و بو طریقله قانونمیزه یکمشد .

[۴] « مدافعه مشروع » حقنده مجموعه نک بشجی صایسنه مراجعت .

حالی ایله بایبیلان فعل ممنوع، حقیقی و یا حکمی بر شخص علیهنده یا تلقی بو قیلدندر (اولور .

۲ — «ضرورت حالی» ایله «مدافعه مشروعه» آره سنده، بو ایکی سبب برائتک مستدالییی اولدقلرنده شبهه بولونمیان «تهلکه» نقطه سندن دخی فرق واردر . ضرورت حالنک باعث اولدیغی تهلکه نك حائز اولسی لازم کلن شرطلر بروجه آتیدر :

اولا — تهلکه نفسه قارشو اولوق، بناءً علیه کرک کندیسنک و کرک باشقه سنک نفسنه قارشو اولما یوبده مسکته و مائه قارشو وقوع بولان تجاوزلردن متحدث تهلکه لراسباب برائتدن اولان «ضرورت حالی» تولید کافی دکلدرد. تفصیلات آفقه به نظرأ جزا قانوننک ۳۷۶ نجی ماده سنده موضوع بحث اولان صو باصغینک وسائر مصیبتلرک تولیدایتدکلری تهلکه لر، شخصه و نفسه قارشو اولدقلرندن ۴۹ نجی ماده قانونیه نك اوج نومرولو بندنده موضوع بحث اولان اسباب برائی تشکیل ایتمز .

ثانیاً — بو تهلکه آغیر اولوق.

ثالثاً — بو تهلکه محقق الحصول بولونمق؛ بناءً علیه بر فایقه ده کی ماکنه مثلاً بر ایشچینک آلتی قوبارمق اوزره بولونمش ایکن — تهلکه نك وخامتی و محقق بولونمسی دولایسیله — بو تهلکه دن تحفظ ایتمک ضرورتی ایله بر صوچ یا مقی جزاء معاقب اولمای استلزام ایتمز. کذلک کی باتارکن فلاکت آرقداشنک آلتدن یکانه تخلیص واسطه سی (تخلیصه سیمیدی) قاپان و آرقداشنک وفاته بادی اولارق کندیسنی قورتاران کیمسه ایله یا نغین یا خود زلزله دولایسیله بر تیاترونک، بر سینمه ماخانه نك محترق اوله جنی و یا بیقیله جنی تحققت ایتدیکی زمان کندیسنی طیشاری آتمق اوزره قابویه قوشارکن قاجق ایچون قابو اوکنده طویلا ناملری آزه ن و بو صورته کندیسنی قورتاران کیمسه جزاء معاقب اولماز .

رابعاً — بو تهلکه دن باشقه درلو تحفظ امکانی بولونما مق .

خامساً — بو تهلکه، صوچ ایقاع ایدن کیمسه نك اختیاری ایله احداث ایدلامش بولونمق اقتضا ایدر .

قانون «کرک نفسی و کرک باشقه سی» دیور: بو «باشقه سی» کلمه سی بر چوجوق حقنده وارد اولدیغی کبی بر اختیار و یا بر کنج کیمسه حقنده دخی وارد اولور. مثلاً

طوگمش کیمسه لری قورتارمقی ایچون میدان یرنده غرس ایدلمش بر آغاجی بیقوب آتش یاقان شخص ایله (جزا قانونک ۵۱۶ نجی ماده سنک آلتنجی نومروسی) عجله بر یاردم ایچون آرابه سنی، اوتوموبیلنی بویوک بر سرعت ایله سوره یی اشخاص و اشیا نکلینه تهله که ویره جک طرزده سوق و اداره ایدن کیمسه (جزا قانونک ۵۶۵ نجی ماده سی) جزاء معاقب اولماز. نته کیم تولدیرمک ایچون کندیسنی تعقیب ایدن بعض جابیلرک آلدن قورتولمقی ایچون غایت سرعت ایله قوشان بر آدمک، قوشارکن یولده راست کلدیکی معصوم بعض کیمسه لری اضرار ایتسی حالده کذلک جزاء معاقب اولمایه جنی آشکاردر. [۱]

واضع قانونک بویله بر حکم قبول ایتسی افراد ناس آره سنده کی تساند و مظاهرتی تأمین ایتک مقصدینه معطوفدر. ایشته بو حکم دخی انسانلرک یکدیگرینه مظاهرت مجبوریتنده بولونقلرینی و خودبینلکدن اجتناب ایتک وظیفه سی ایله مکلف اولدقلرینی زه کوستریور؛ تعبیر دیگرله خودبینلک اخلاقاً اولدینی کی قانوناً دخی مذموم تلقی ایدلمکده در.

ضرورت حاله بادی اولان تهله کنگ، حائر اولمسی لازم کلن شرطله ملحق اوزره شونی ده سویله بیلیرک ایقاع ایدیلن صوچک و تهله کی بر طرف ایتک ایچون پالمش اولمسی لازمدر. ایشته بو تفصیلاته نظر آ جزا قانونک ۲۵۸ نجی ماده سنک ایکنجی فقره سنده ۲۸۸ و ۲۹۲ نجی ماده لرده تثبیت ایدیلن تخفیف و اسقاط جزا هب فاعلجه کورولن بر تهله کدن و بو تهله کی بر طرف ایتک ایچون کندیسنده بولونان اقبالق حسدن متولد اولدینی شه سزدر. بناء علیه یالان یره یمین و یا شهادت ایدن شخصک، حقیقی بیان ایتدیک تقدیرده کندیسنی و یا اقراسندن برینی حریت و ناموسجه همه حال فاحش بر ضرره معروض قیله جنی حسیله یالان یره یمین و یا شهادت ایتدیک آکلاشلدینی تقدیرده ۲۸۷ نجی ماده ده موضوع بحث اولان جزالردن معفو طوتیله جنی ۲۸۸ نجی ماده ده تثبیت ایدلمشدر. در حال شونی علاوه ایدهیم که جزا قانونسه کوره اقرابانک کیملردن عبارت اولدینی ۲۵۹ نجی ماده ده تصریح ایدلمشدر. بناء علیه اقرابان مراد قاری قوجه ایله اصول و فروع وارکک و قیز قردهش و عموجه ودایی و خاله و تیزه لرله یکنلر

[۱] ضرورت مسأله سنده آجاق دولایسیله خرسزلنک جزالاندیریلوب جزالاندیرمایه جنی خصوصی مؤلفین جزایه آره سنده موجب مناقشه اولمشدر. راجع قول، بویله بر ضرورت حالده و بو حالک تحقیقنده او کیمسه نکل جزاء معاقب اولماسی عدالت ایجاباتندن اولدینی مرکزنده در. (ایلروده بیان ایدیه جک اولان «ضرورت حالده کی مسؤولیت حقوقیه» بحثنه مراجعت ایدیکز)

و بونلر درجه سنده کی صهری اقربادر . الحاصل ۴۹ نجی ماده قانونیه نك اوچنجی بندیده موضوع بحث اولان اسباب برائتدن ضرورت حالنك الجا آتی ایله باشقه نك تحفظ امکانی اولمایان محقق برتهلکدن قورئارمق مقصدیله یاپیلان صوچلرده بو «باشقه نك» تعبیری اولویت ایله اقربا حقنده وارددر .

یوقاریده ضرورت حالنه بادی تهلکهنك حائز اولسی لازم کفن شرطلر مباحنه اشبو تهلکهنك محقق الحصول اولسی لازم کلدیکنی ده سولش و بو اعتبارله فاعلده حاصل اولان ضرورتك باعث اولدیغی مجبوریته ایله صوچ ایقاع ایتش اولسی احتمالی دریش ایتش ایدك . بو مجبوریتهك تام یاخود غیر تام اولسی نمکندر . تام اولدیغی تقدیرده ۴۹ نجی ماده نك تثبیت ایتدیکی اسباب برائت حصوله کلیر . غیر تام بولدیغی صورتده ۵۰ نجی ماده قانونیه احکامی تطبیق اولنه رق اورته ده اسباب معذرت مخففه دن برینك بولوندیغی آکلاشلورسه فاعل جزادن بوتون بوتون تخلیص کریان اتمیوب بلکه خفیف بر صورتده جزالاندیریلور . ایشته بوکا مثال اولق اوزره دیه بیلیرز که خیرسزلق ودولاندیریحیلیق وامینتی سوء استعمال واشیای جرمیه بی صاتون آلق وصاقلامق و آخرک مقول وغیر مقول مالی تخریب ویا احایده ن کیسه لر حقنده ۵۱۶ نجی ماده قانونیه نك برنجی فقره سنده ۵۱۸ و ۵۱۹ و ۵۲۱ نجی ماده لرده بیان اولونان جرملردن برنی ایشله ن کیسه کندی حقنده برکونه تعقیبات اجرا سنه باشلانمادن اول چالیدی ، دولاندیردینی وامینتی سوء استعمال ایتدیکی کیسه نك مالی یاخود اضرار ایلدیکی کیسه نك حقنی اعاده ایلر یاخود بو اموالک اعاده سی قابل اولمادیغی تقدیرده متضررک ضررینی تماماً تضمین ایلر ایسه کوره جکی جزانك اوچده بردن اوچده ابکی به قادار ایندیریله جکی ۵۲۳ نجی ماده قانونیه ده کوسترلشدر ، شو قادارکه قانوناً ایرلامش قاری قوجه دن بری دیگرینك مالی چالمش یاخود دیگرینی دولاندیرمش ویا اضرار ایلش اولدیغی صورتده حقنده برکونه تعقیبات اجرا اولونامایه جنی و فاعل ایله برابر بر دام آلتنده یاشایان قرده شک ویا قیرقرده شک ضررلرینه اوله رق ایشله ن خیرسزلق ویا دولاندیریحیلیق وامینتی سوء استعمال واشیای جرمیه بی صاتون آلق خصوصارندن دولانی فاعل علیهنده کذلک تعقیبات جزائییه یاپیله میه جنی ۵۲۴ نجی ماده ده کوسترلش اولق ۵۰ نجی ماده قانونیه ده تثبیت ایدیلن ناتمام مجبوریته بر استئنا تشکیل ایدن احوالنددر .

خلاصه کلام ضرورت حالنه موضوع بحث اولان تهلکهنك حائز اولسی لازم کفن

شرطلرك وجودى حقنده اجرا قلنه حق تحقيقات استتطابقهده اعظمى دقت ايله حركت ايدملك لازمدر . چونكه مثلاً صوجلونك حقسنلنى يوزندن بالذات ضرورت حالنك وجودينه سبب اولمى جزاء معاقب اولماسنى استلزام اينمز . بناء عليه يانغين چيقاران ياخود قونداق وضع ايتمك صورتيله ايضاً حريق ايدن بر كيمسه آتش تهلكه سندن قورتولمق ايچون اخلال ايدمچكى حقلردن ويا استعمال ايلمهچكى جبردن دولاي «ضرورت» حالى كې بسبب برائى ايلروسوره مز وبوسبب برائىدن استفاده ايدم مز . بوايضاً حاقندن صوجلونك تهلكه كې دوغوران خادنه يي استيهرك يامش اولدېنى معاسنى آكلامق اقتضا ايدر . ضرورت حالنك جرملرده اولدېنى كې قباحترده موضوع بحث اولهجنى شهه سزدر . نسه كېم يوقاريده ۵۶۵ نجى ماده يه متفرع اولمق اوزره ذكر ايتديكمز مثال بو سبب برائىك مدافعه مشروعه ومرجع عائدندن صادر اولان برامرى اجرا كې سبب برائىلر مثللو قباحترده دغى جارى اولدېنى كوسترمكدهدر .

ضرورت حالى حقنده يوقاريده تثبيت ايديلن شرطلره رطابت ايدلر ، يعنى ۴۹ نجى ماده قانونيه نك اوچنچى بندينك تثبيت ايتديكى حدود تجاوز ايديلير و ضرورت حاله بادي اولان مجبورييت غير تام اولور ايسه يوقاريده اشارت ايتديكمز وجهله ۵۰ نجى ماده قانونيه تطبيق اولونور [۱] . شوبله كه بو صورته ياييلان صوج اعدام ، مؤبد آغير حبس جزاسنى مستلزم اولدېنى تقديرده آلتى سندن آز اولماق اوزره حبس جزاسى حكم اولونور وساير حاللرده اصل صوجه مرتب جزا آلتيده برندن اكسيك وياريسندن زياته اولماق اوزره اينديريلير و آغير حبس ، حبسه تحويل اولونور و خدمات عامه دن مؤبداً محروميت جزاسنه بدل موقت محروميت جزاسى و يريلير .

شوننده علاوه ايدم كه ثنائى الطرف صوجلرده طرفلردن بى ضرورت حالى ايله بر صوج ايشله مش اولور ، ديكرى ايسه بويله بر ضرورت حالى ايله صوجى ايضاً ايله مش بولور . بو حالحه برنجيسى جزادن قورتيلور ، ديكرى قورتولماز .

كذلك شوراسى ده شايلان قيددر كه ضرورت حالى حقنده وضع ايديلن شو قاعده عموميه ، قوانين خصوصيه ايله الفا ايدلمش اولور ايسه بالطبع تخصيص معتبر عد اولونور . جزا قانونىك ۱۰ نجى ماده سىك مفهوم مخالفتدن آكلاشييلان كيفيت بو مركززدهدر . آنجق بوقاعده عموميه به مخالفت صراحة اولدېنى كې ضمانده اوله بيلير .

[۱] « ضرورت حالى » حقنده تثبيت ايديلن حدودك تجاوزى نظريه سى ايچون «مدافعه مشروعه» به دغى شامل اولسته بناء مجموعه نك ۵ نجى سايسنه مراجعت ايتمك لازم كاير .

ضرورت ماننده ایقاع ایدیلن سرملردنه درولی مسئولیت مفوقیه — کرک کندیسنک و کرک باشقه سنک نفسی، حیاتی درحال وقوع بوله جق آغیر برتهلکدن محافظه ضرورتنک باعث اولدیلنی مجبوری ایله صوج ایقاع ایدن کیمسه لر جزاء معاقب اولمادینی کی بر موجب قاعده حقوقاً دخی مسئول اولمازلر. چونکه ضرورت حالنده صوج ایقاع ایتمک اسباب برائتدندر واسباب برائت دخی تعقیبات جزائی و مسئولیت حقوقیه بی بر طرف ایده ر. شو قادار که ضرورت حالنده ایقاع ایدیلن صوج، یوقاریده ذکر ایتدی کمز مثاللر میاننده کوسترلن «آج قانق دولایسیله اکک چالق» کی شخص معذورک مالنه تعلق ایتمش ایسه بورجلر قانوننک ۵۲ نجی ماده سنک ایکنجی فقره سی احکامنه توفیقاً صوج ایقاع ایدن کیمسه مک بورجلی اولدیلنی تضمینات ماده و نقدیه حاکم طرفندن حقانیه توفیقاً تعیین اولنور [۱]. بوضرورت ایستر کندی نفسی ایستر باشقه سنک نفسی تخلیص صورتده نجلی ایسون، حکم عینیدر. کذلک کندی نفسی تهلکدن وقایه صدنده صوج ایقاع ایدن کیمسه ایستر تجاوزی و ایستر تدافعی روضعیده بولونارک بر صوج ایشله مش بولونسون، حکم عینیدر. (بورجلر قانوننک ۵۲ نجی ماده سی حکمنه استناداً ۵۶ نجی ماده سننده موضوع بحث اولان حیوانات طرفندن پاپسلان ضرورلرده کی مسئولیت و ۵۸ نجی ماده سننده موضوع بحث اولان اینه و یا اعمال اولونان هر هانکی برشینک مالکنه تحمیل اولونان مسئولیت حقوقیه دن باحث اولان ۵۶ و ۵۸ نجی ماده لرک مفهوم مخالفندن چیقان حکملر بونقطه نظری تأیید ایتمکده در.)

استانبول عدایه مسلك مكته مستنطق شعبه سی

حقوق جزا معلمی آووقات

باهر

[۱] شخص معذورک نفسنه قارشو بر جرم ضروری ایقاع ایدن کیمسه مسئولیت حقوقیه ایله معاقب اولمادینی حالده ایشو شخصک مالنه قارشو بوله بر صوج ایقاع ایتمی تقدیرنده حقوقاً معاقب اوله جفته دائر بورجلر قانوننک مارالذکر ۵۲ نجی ماده سننده کی حکم جالب دقتدر. بونک اسباب موجب سی اموالک معصوم تلقی ایدلسنده در، بورجلر قانوننک ۵۲ نجی ماده سنک ایکنجی فقره سی «باشقه لرینک ماللرینه» دیتمک باشقه لرینک تفسیرنه خلل ایرات ایدلی حالی خارج بر اققش و ونده اصلی اولان اسونجره اوبلیناسیو. قانوننک و بونک الهام آلدیلنی آلمان قانون مدینسنک تعقیب ایتدیکی نقطه نظره توفیق حرکت ایشدر. بناء علیه دنیه بیلیرکه ضرورت حالنده باشقه لرینک تفسیرنه قارشو بر صوج ایقاع ایدلکده صوجلو اسباب برائتدن استفاده ایدره جزاء و حقوقاً معاقب اولماز، بالعکس بوله بر حالده باشقه لرینک ماللرینه قارشو بر صوج یایلدقده صوجلو جزاء معاقب اولمادینی حالده مسئولیت مدینه دن تبری ایتر.